

庶物類纂

草屬
自三至五

容

太政官文庫			
特別	和	書	門
一	二	三	六
二	三	六	二
五	十	番	號
四	六	五	冊



內閣文庫			
番號	和	32362	
冊數	465	(4)
函號	特	54	1

五十七内

共册



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



10409

5



庶物

類纂

草屬卷之二

目次

白求

蒼求




集部頁集

卷三

草屬目次



水
總



求

求山薊爾雅○薊音計

本草云求一名山薊今求似薊而生山中晉郭璞爾雅註

楊枹薊爾雅

似薊而肥大今呼之馬薊晉郭璞爾雅註○枹音孚

此辨薊生山中及平地者名也生平地者即名薊生山中者一名求本草云一名山薊一名山薑一名山連陶註云有兩種白求葉大有毛甜而少膏赤求葉細小苦而多膏是也其生平地而肥大於衆者名楊

抱薊今呼之馬薊宋邢昺爾雅疏

求山薊蒼求也音計宋鄭夾漈爾雅註

楊抱薊白求也同上

求陶隱居云鄭山即南鄭也今處處有以蔣山白山茅山者為勝十一月十二月正月二月採好多脂膏而甘仙經云亦能除惡氣弭災疹丸散煎餌並有法其苗又可作飲甚香美去水求乃有兩種白求葉大有毛而作極根甜而少膏可作丸散用赤求葉細無極根小苦而多膏可作煎用昔劉涓子採取其精而


丸之名守中金丸可以長生東境求大而無氣烈不任用今市人賣者皆以米粉塗令白非自然用時宜刮去之臣禹錫等謹按吳氏本草云求一名山芥一名天蘇爾雅云求山薊注今求似薊而生山中疏云生平地者即名薊生山中者名求抱朴子云求一名山精故神農藥經曰必欲長生常服山精嘉祐補註本草求生鄭山山谷漢中南鄭今處處有之以嵩山茅山者為佳春生苗青色無極一名山薊以其葉似薊也莖作蒿幹狀青赤色長三二尺以來夏開花紫碧色

亦似刺薊花。或有黃白花者。入伏後結子。至秋而苗
 枯。根似薑。而傷有細根。皮黑。心黃白色。中有膏液。紫
 色。二月三月八月九月採。暴乾。乾溼竝通用。今八月
 採之。服食家多單餌之。或合白茯苓。或合石菖蒲。竝
 搗末。旦日水調服。晚再進。久久彌佳。又斷取生朮。去
 土。水浸再三煎。如飴糖酒調飲之。更善。今茅山所製
 朮煎。是此法也。陶隱居云。昔者劉涓子按取其精。而
 丸之名。守中金丸。今傳其法。乃是膏煎。恐非真耳。謹
 按朮有二種。爾雅云。朮。山薊。楊枹。音薊。釋曰。此辨薊

生山中及平地者名也。生平地者名薊。生山中者名
 朮。陶注本草云。白朮葉大而毛。甜而少膏。赤朮細
 苦而多膏。是也。其生平地而肥大於衆者名楊枹。薊
 今呼之馬薊。然則楊枹即白朮也。今白朮生杭越舒
 宣州高山岡上。葉葉相對。上有毛。方莖。莖端生花。淡
 紫碧紅數色。根作極生。二月三月八月九月採。根暴
 乾。以大塊紫花者為勝。又名乞力伽。凡古方云朮者
 乃白朮也。非謂今之朮矣。本草圖經
 蒼朮其長如大小指。肥實。皮色褐。氣味辛烈。須米泔

浸洗再換汁浸一日去上麤皮白朮麤促色微褐氣
味亦微辛苦而不烈古方及本經止言朮未見分其
蒼白二種也只緣陶隱居言朮有兩種自此人多貴
白者今人但貴其難得惟用白者往往將蒼朮置而
不用如古方平胃散之類蒼朮為最要藥功尤速殊
不詳本草元無白朮之名近世多用亦宜兩審稽康
曰聞道人遺言餌朮黃精令人久壽亦無白字宋寇宗奭
本草
行義
蒼朮一名山薊一名山薑一名山連一名山精苗淡

青色高二三丈莖作蒿蕀葉拂莖而生梢葉似棠葉
脚葉有三五叉皆有鋸齒小刺開花紫碧色亦似刺
薊花或有黃白花者根長如指大而肥實皮黑茶褐
色味苦甘一云味甘辛性溫無毒防風地榆為之使
救饑採根去黑皮薄切浸二三宿去苦味煮熟食亦
作煎餌久服輕身延年不饑明周憲王救荒本草
蒼朮山薊也處處山中有之苗高二三尺其葉抱莖
而生梢間葉似棠梨葉其脚下葉有三五叉皆有鋸
齒小刺根如老薑之狀蒼黑色肉白有油膏白朮抱



薊也。吳越有之。人多取根栽時。一年即稠。嫩苗可茹。葉稍大而毛根如指。大狀如鼓槌。亦有天如拳者。彼人剖開暴乾。謂之削朮。亦曰片朮。陳自言。白而肥者是浙朮。瘦而黃者是幕阜山所出。其力劣。昔人用朮不分赤白。自宋以來始言蒼朮苦辛氣烈。白朮苦甘氣和。各自施用。亦頗有理。茲以秋采者佳。春采者虛軟易壞。嵇含南方草木狀云。藥有乞力伽。即朮也。瀕海所產。一根有至數斤者。采餌尤良。嘉謨曰。浙朮俗名雲頭朮。種平壤。頗肥大。由糞力也。易潤。油欬。

朮俗名狗頭朮。雖瘦小。得土氣充也。甚燥。白勝于浙。

朮。寧國昌化池州者。並同欬朮。境相鄰也。明李東璧本草綱目

按吐納經云。紫微夫人朮序云。吾察草木之勝。速益于己者。並不及朮之多。驗也。可以長生久視。遠而更。

靈山林隱逸得服朮者。五嶽比肩。又神仙傳云。陳子。

皇得餌朮要方。其妻姜氏得疲病。服之自愈。顏色氣。

力如二十時也。時珍謹按。已上諸說。皆似蒼朮。不獨。

白朮。今服食家亦呼蒼朮為仙朮。故皆列于蒼朮之。

後。又張仲景辟一切惡氣。用赤朮。同豬蹄甲燒煙陶。

隱居亦言求能除惡氣弭災沴故今病疫及歲旦人家往往燒蒼朮以辟邪氣類編載越民高氏妻病恍惚譫語亡夫之鬼憑之其家燒蒼朮煙鬼遽求去夷堅志載江西一士人爲女妖所染其鬼將別曰君爲陰氣所侵必當暴泄但多服平胃散爲良中有蒼朮能去邪也許叔微本事方云微患飲澀三十年始因少年夜坐寫文左向伏几是以飲食多墜左邊中夜必飲酒數杯又向左卧壯時不覺三五年後覺酒止從左下有聲脅痛食減嘈雜飲酒半杯即止十數日

必嘔酸水數升暑月止右邊有汗左邊絕無遍訪名醫及海上方間或中病止得月餘復作其補如天雄附子礬石輩利如牽牛甘遂大戟備嘗之矣自揣必有澀囊如水之有科曰不盈科不行但清者可行而濁者停滯無路以決之故積至五七日必嘔而去脾土惡溼而水則流溼莫若燥脾以去溼崇土以填科曰乃悉屏諸藥只以蒼朮一斤去皮切片爲末油麻半兩水二錢研濾汁大棗五十枚煮去皮核搗和丸梧子大每日空腹溫服五十九增至一二百丸忌桃

李雀肉服三月而疾除自此常服不嘔不痛胸膈寬利飲啖如故暑月汗亦周身燈下能書細字皆求之力也初服時必覺微燥以山卮子末沸湯點服解之久服亦自不燥矣同上

藥有乞力伽求也瀕海所產一根有至數斤者劉涓子取以作煎令可丸餌之長生晉嵇含南方草木狀

又俱察草木之勝負有速益於己者茲未及求勢之多驗乎且頃以來殺氣蔽天惡煙弭景邪魔橫起百疾雜臻或風寒關結或流腫種疔不期而禍湊意外

而病生者比日而來集也夫求氣則式遏鬼津吐煙則鎮折邪節強內攝魂益血生腦逐惡致真守精衛命食其餌則靈柔四敷榮輪輕盈服其丸散則百病瘳除五藏含液所以長遠視久而更明也古人名之為山精之卉山薑之精太上導仙銘曰子欲長生當服山精子欲輕翔當服山薑此之謂也我非謂諸物皆當減求為益也且求氣之用是今時所要求末世多疾宜當服御耳夫道雖內足猶畏外事之禍形有外充者亦或中崩之弊張單偏致殆可鑒乎求一可以

長生永壽二可以卻萬魔之枉疾我見山林隱逸得服此道千年八百比肩於五岳矣人多書煩不能復一二記示之耳今撰服水數方以悟密尚若必信用庶無橫暴之災既及太平則四炁令融天緯荐生災煙消滅五毒匿形二辰恆察萬物自成於是時任子所運而御亦無復天傾也今所言求欲令有心取服過此災疔耳紫微夫人服水叙
○梁陶隱居真誥
 成治求一斛清水潔洗令盛訖乃細搗為屑以清水二斛合煮令爛以絹囊盛絞取汁置銅器中湯上蒸

之內白蜜一斗大乾棗去核熟細搗令皮肉和會取一斗又內水蜜之中絞令相得如餅狀日食如彈丸三四枚一時百病除二時萬害不傷三時面有光澤四時耳目聰明三年顏如女子神仙不死同上
 又法成水一斛水盛洗洗乃乾乾乃細搗為屑大棗四斗去核乃搗令和合清酒五斗會於銅器中煎攪使成餅狀日服如李子三丸百病不能傷而面如童子而耐寒凍同上
 又法求散五斤伏苓煮三沸搗取散五斤右二物合

和更搗三千杵盛以密器且服五合百災百毒百疫不能犯面童而壯健久服能飛越峰谷耳聰目明矣

此三方有採寫似是紫微夫人所授繼求叙後者○同上

蒼朮勾容茅山產細梗如貓糞者佳 唐王燾外臺祕要方

黃州山中蒼朮至多就野買一斤數錢爾此長生藥

也人以為易得不復貴重至以熏蚊子此亦可為太

息舒州白朮莖葉亦甚相似特華紫爾然至難得三

百一兩其効止於和胃去游風非神仙上藥也 蒼朮錄○

宋蘇東坡文集

續養生論乃有遇而作論即是方非如中散論也

白朮一味 舒州買者每兩二百足細碎而有兩絲舒人亦珍之然其膏潤肥厚遠不及宣湖所

出每裏二升五六百足極肥美當用此耳若世所謂茅朮不可用 細搗為末餘筋滓

難搗者棄之或留作香其細末曝日中時以井花水

灑潤之則膏液自上謹視其和合即入木臼杵數千

下便丸如梧桐子大 不入一物 此必是仙方日以井花水

咽百丸漸加至三百丸益多尤佳此非有仙骨者不

傳續養生論尤為異書然要以口授其詳也 與章子平○同

上

內篇曰南陽文氏值亂逃壺山中饑困欲死有一人
教之食求遂不饑數十年乃還鄉里顏色更少氣力
轉勝故求一名山精神藥經曰必欲長生當服山精
抱朴子○宋
張杲醫說

世云服求忌雀鴿非鳩鴿也乃蜃蛤耳外郎刁衍久
服求因食蛤瀉血食鳩鴿即無恙嘗有雀鬪入盆池
中旬日皆化為蛤後以死雀投其中則不化雀鴿氣
類同也○戎幕門談

越民高十二歲無食挈妻兒至德清雇妻於秀州

倉官李浚家為乳媪高得錢還越而死李僕許八隨
直在秀以幹歸德清及再來之日媪患恍惚譫語作
殿夫聲責罵故妻不為資薦李問何以得至此曰我
隨許僕船便是以得來李命巫逐未至設燒蒼求煙
熏燎鬼遽云我怕煙氣不敢更留遂無語媪病亦差
今人衝惡者必藝求益邪鬼所畏也類編○
同上
求本草隱居曰出白山蔣山茅山者為勝真誥紫微
夫人求叙盛稱其益服餌數方傳焉元劉大彬
茅山志
求取其根裁之一羊即稠嫩苗可為茹作飲甚甘香

明王蓋臣二如亭羣芳譜

牙齒逐日長漸漸脹開只難為飲食蓋髓溢所致只

服白朮愈衛生十全方○明俞弁續醫說

白朮葉大而毛甜而少膏八閩通志

茅山蒼朮為天下第一亦有白朮重修鎮江府志

白朮產潛者最佳諸處並珍之萬曆杭州府志

蒼朮本草云出荊門一名山蘇八九月採久服延年湖廣通志

湖廣通志

朮草有蒼白兩種台山皆有之白朮有家者不及野

朮為佳天台山方外志

余謂蒼白二朮皆可服餅蒼朮味苦而効速白朮味

甘而効遲同上

蒼朮四時類要二月取根子劈破畦中種上糞下水

一年即稠苗亦可為菜若作煎宜多種之張師說農桑輯要

種朮泥勝之曰榆莢雨時高地疆土可種朮馬蹏為

佳切而種之猶芋薯也忌肥妨蟲最宜金汁馮應京

曰仲冬栽朮忌青色物相裏及澆灌又忌用嬾糞則

虛心而黑清皖桐方氏物理小識

山薊一名白朮生鄭山漢中南歙浙杭山谷春抽苗青色無極莖作蒿蕪狀青赤色長二三尺夏開紫碧花或黃白色似刺薊根即白朮春秋可採暴乾入藥

清陳湜子 秘傳花鏡


陶隱居云朮乃有兩種白朮葉大有毛而作極根甜而少膏可作丸散用赤朮葉細無極根小苦而多膏可作煎用藥性論云忌桃李雀肉菘菜青魚日華子云治山嵐瘴氣衍義云古方及本經止言朮未見分蒼白二種也只緣陶隱居言朮有兩種自此人多貴

白者今人但貴其難得惟用白耳往往將蒼朮置而不用如古方平胃散之類蒼朮為最要藥功效尤速殊不詳本草元無白朮之名近世多用亦宜兩審謹按嘉祐本草序謂本草雖世傳作於神農氏蓋仲景華佗諸賢之所編述也然則經文朮上其曰白者無乃後之好事者之所加歟惟白之加則今之朮皆出種蒔務白以求售醫之為道本來面目尚存幾何哉

方有執傷 寒論條辨

白朮

一名楊爾雅一名枹爾雅一名馬薊晉郭璞
名乞力伽南方草狀上同一名馬薊爾雅註一



白朮

陶隱居云朮乃有兩種白朮葉大有毛而作極根甜而少膏可作丸散用赤朮葉細無極根小苦而多膏可作煎用嘉祐補註本草

謹按朮有二種爾雅云朮山薊楊枹音孚薊釋曰此辨薊生山中及平地者名也生平地者名薊生山中者名朮陶注本草云白朮葉大而毛甜而少膏赤朮細苦而多膏是也其生平地而肥大於衆者名楊枹薊今呼之馬薊然則楊枹即白朮也今白朮生杭越

舒宣州高山岡上葉葉相對上有毛方莖莖端生花
淡紫碧紅數色根作極生二月三月八月九月採根
暴乾以大塊紫花者為勝又名乞力伽凡古方云求
者乃白朮也非謂今之朮矣
本草
圖經

蒼朮

一名山薊爾雅一名山薑名醫別錄一名山連同上
名赤朮同上一名山芥嘉祐補一名天蘇同上
名仙朮本草綱目一名山精抱朴子

蒼朮

蒼朮山薊也處處山中有之苗高二三尺其葉抱莖而生稍間葉似棠梨葉其脚下葉有三五叉皆有鋸齒小刺根如老薑之狀蒼黑色肉白有油膏

綱目

明李東璧本草

黃州山中蒼朮至多就野買一斤數錢爾此長生藥也人以為易得不復貴重至以熏蚊子此亦可為大息舒州白朮莖葉亦甚相似特華紫爾然至難得三百一兩其効止於和胃去游風非神仙上藥也

蒼朮錄

庶物類纂

宋蘇東坡文集

庶物類纂草屬卷之四目次

白芷

藁本

木香

庶物類纂

草屬目次

白芷

一名芳香

神農本草

一名白蒞

名醫別錄

一名藟

同上

名莞

同上

一名苻離

同上

一名澤芳

同上

一名藹麻

上一名葍

本草圖經

俗名烏埋折利

伊勢州

又名革莫別賴

同上又名

也埋烏獨

美作州



白芷

白芷陶隱居云今出近道處處有近下溼地東間甚多葉亦可作浴湯道家以此香浴去尸蟲又用合香也臣禹錫等謹按范子計然云白芷出齊郡以春取黃澤者善也

嘉祐補註本草

白芷生河東川谷下澤今所在有之吳地尤多根長尺餘白色麤細不等枝幹去地五寸已上春生葉相對婆娑紫色闊三指許花白微黃入伏後結子立秋後苗枯二月八月採根暴乾以黃澤者為佳楚人謂

之葯九歌云辛夷楣兮葯房王逸注云葯白芷是也

本草 白芷徐鍇云初生根幹為芷則白芷之義取乎此也

王安石字說云芷香可以養鼻又可養體故芷字從

臣臣音怡養也許慎說文云晉謂之薑齊謂之菑楚

謂之離又謂之葯生於下澤芬芳與蘭同德故騷人

以蘭菑為詠而本草有芳香澤芬之名古人謂之香

白芷 明李東璧
本草綱目

楚辭以芳草比君子而言菑者最多蓋菑今香白芷

也一物而多名菑也芷也芳也葯也薑也說文曰楚

謂之離晉謂之薑齊謂之菑故離騷有辟芷有芳芷

有白芷有白菑有芬香有葯有芳嘗試論之楚辭取

象於草木之芳潔者無所不備而君子比德於玉乃

獨畧焉王逸章句曰行清潔者佩芳德仁明者佩玉

能解結者佩觿能決疑者佩玦故孔子無所不佩也

詳屈平之意蓋以清潔一介自處自仁明以下有所

不敢居焉故其言曰覽草木其猶未得兮豈瑤美之

能當以言楚之君臣於草木臭香猶未能別而况能

知玉之美耶此所以有所詳有所畧芷出近道下溼地處處有之可作面脂其葉名蒿麻音曆可用沐浴故曰浴蘭湯兮沐芳古者婦或賜之飲食衣服布帛佩悅蒞蘭則受而獻諸舅姑明不敢專爾宋羅願爾雅翼都梁元王定國因被風吹項背拘急頭目昏眩太陽并腦俱痛自山陽挈舟至泗州求醫楊吉老既診脉即與藥一彈丸便服王因款話經一時再作併進兩丸病若失去王甚喜問為何藥荅云公如道得其中一味即傳此方王思索良久自川芎防風之類凡舉

數種皆非但一味白芷耳王益神之此藥初無名王曰是藥處自都梁名人可名都梁元也大治諸風眩暈婦人產前產後乍傷風邪頭目昏重及血風頭痛服之令人目明凡沐浴後服一二粒甚佳暴寒乍暖神思不清頭目昏暈宜服之香白芷大塊擇白色新潔者先以椶刷刷去塵土用沸湯泡洗四五遍右為細末煉蜜和丸如彈子大每服一九多用荆芥點臘茶細嚼下食後常服諸無所忌只乾嚼咽亦可宋王璆百一選方

臨川有人以弄蛇貨藥爲業一日方作場爲蝮所齧
卽時殞絕一臂之大如股少頃遍身皮脹作黃黑色
遂死有道人方旁觀出言曰此人死矣我有一藥能
療但恐毒氣益深或不可治諸君能相與證明方敢
爲出力衆咸踈踊勸之乃求錢二十文以往才食頃
奔而至命汲新水解裹中藥調一升以杖扶傷者口
灌入之藥盡覺臍中滑滑然黃水自其口出腥穢迫
入四體應手消縮良久復故其人已能起與未傷時
無異遍拜觀者且鄭重謝道人道人曰此藥不難得

亦甚易辦吾不惜傳諸人乃香白芷一物也法當以
麥門冬湯調服適事急不暇姑以水代之吾今活一
人可行矣拂袖而去郭邵州泐得其方嘗有鄱陽一
卒夜直更舍爲蛇齧腹明旦赤腫欲裂以此飲之卽

愈夷堅志○宋新安張杲醫說

楚辭以芳草比君子而言菴者最多蓋今香白芷也
出近道下溼地可作面脂其葉可用沐浴故曰浴蘭

湯兮沐芳宋謝翱楚辭芳草譜

兩粵在炎方極徼濱海負山地卑土薄陰溼之氣恒

盛陽燠之氣恒泄瘴癘由之易生獨桂林據嶺嶠上
游懸隔漲海地勢高拔風氣宣通故氣候視他州郡
爲正第層山峻嶺綿亘四封彌望叢灌冬不易葉寒
燠陰晴頃刻互換不但霧露滃濛而蟲豸之屬因亦
繁殖緩急所需藥品殆不可不預具者嘗聞有人中
夜下榻蜈蚣偶蟠履上因爲所傷得香白芷雄黃末
服之藍靛汁傳之獲愈又一人夜炊火有蜈蚣在吹
筒中驚竄入喉漸下胃膈用鮮雞血灌之少選更飲
以生油盞許遂惡心蜈蚣并滾油血中吐下續服雄

黃水獲安有山行爲蜈蚣所逐急棄所衣汗衫於地
蛇凝視守之因得免蓋蛇聞汗氣見衫謂卽人也有
爲蜈蚣咬者遍身腫裂口吐黃水幾殆矣麥門冬濃
煎水調香白芷末二錢灌之稍蘇再服而愈有蜘蛛
飛絲入口者以紫蘇葉嚼之良此皆嘗試之驗也順
時調攝湯方則醫書中舊載平胃散與不換金正氣
散宜量稟質加減服之昔人有云省食生冷則脾胃
自壯省餐油膩則胃膈自快母大恚怒以傷天和重
節色慾以固精氣此則攝生常語五方皆然而在嶺

本草綱目卷之四

外尤要耳若以天時地氣大異中州青草黃茅皆能致瘴及如挑生射工蠱鳩之屬往往載之簡冊播諸話譚則或為他地言之非余所聞見於臨桂也閩少洲葉

繼熙臨桂雜識

白芷有四條作一處生者名桑公藤不可用此藥凡近山林之處人皆焚之云可辟蛇萬曆杭州府志

漼即白芷紹興府志

白芷一名白蔞芬芳與蘭同德故稱蘭蔞重修靖江縣志

葯香草即白芷本草云出吳地者良吳縣志

白芷根白長尺餘葉相對婆婆紫色花白微黃江陰縣志

芷漼麋離各為一物自爾雅蘄漼麋蕪並言然後紛淆說文曰麋蕪楚謂之漼齊謂之漼晉謂之蕪故又

曰江離麋蕪也爾雅曰莞苻離其上蒿乃謂莞席本草但見苻離之名略與離同遂又并之芷下誤矣明方

以智通雅

白芷一名蔞一名莞一名澤芬香草也處處有之吳地尤多枝幹不盈尺根長尺餘粗細不等春生下溼處其葉相對婆婆紫色闊二指許花白而微黃入伏

草屬 白芷 七

本草綱目卷之四

後結子，立秋後苗枯，採根入藥，名香白芷，葉可合香煎湯沐浴，謂之蘭湯。清陳悞子秘傳花鏡

藁本

一名鬼卿神農本草 一名地新同上 一名微莖名醫別錄

一名藁茛本草綱目 一名山園荑農政全書 一名土芎

藥性賦

本草綱目卷之四

草屬 藁本 一

本草綱目卷之四

藁本

藁本陶隱居云俗中皆用芎藭根鬚其形氣相類而
桐君藥錄說芎藭苗似藁本論說花實皆不同所生
處又異今東山別有藁本形氣甚相似惟長大爾唐
本注云藁本莖葉根味與芎藭小別以其根上苗下
似藁根故名藁本今出宕州者佳也
嘉祐補註本草
藁本生崇山山谷今西川河東州郡及秦州杭州有
之葉似白芷香又似芎藭但芎藭似水芹而大藁本
葉細耳根上苗下似禾藁故以名之五月有白花七

本草綱目卷之四

草屬 藁本 二

八月結子，根紫色。正月二月採根，暴乾三十日成。本草

經圖

藁本，古人香料用之，呼為藁本香。山海經名藁茝。明李

東璧本草綱目

藁本，江南浚山中皆有之，根似芎藭而輕虛，味麻不

堪作飲也。同上

藁本一名鬼卿，一名地新，一名微莖，生崇山山谷及

西川河東袁州杭州，今衛輝縣栲栳圈山谷間亦有

之，俗名山園莖，苗高五七寸，葉似芎藭，葉細小，又似

園莖，葉而稀疎，莖比園莖，莖頗硬直，味辛微苦，性溫

微寒，無毒，惡蘭茹，畏青箱子，殺飢，採嫩苗，葉燻熱水

浸淘淨，油鹽調食。明徐光啓農政全書

公示京師市藥，須當精別，市中稿本多雜，以威

不可稱辨，往往誤售入藥，遂不為効。稿本益柔細，而

芳香者，是。王氏談錄

藁本一名地新。明許希周藥性奇方

藁本俗曰土芎。熊宗立藥性賦

本草類編

木香

一名蜜香名醫別錄 一名青木香同上 一名五木香
本草 一名南木香本草綱目 一名廣木香同上 一名
 白木香本草經疏 一名矩琵佗香金光明經

本草類編

草屬 木香 一

本草綱目
卷之四

木香

木香陶隱居云此即青木香也永昌不復貢今皆從外國舶音白上來乃云大秦國以療毒腫消惡氣有驗今皆用合香不入藥用惟制蛀蟲丸用之常能煮以沐浴大佳爾唐本注云此有二種當以崑崙來者為佳出西胡來者不善葉似羊蹄而長大花如菊花其實黃黑所在亦有之今按別本注云葉似薯蕷而根大花紫色功效極多為藥之要用陶云不入藥用非也臣禹錫等謹按蜀本云今苑中種之花黃苗高二

本草綱目
卷之四

草屬 木香 二

四尺葉長八九寸皺軟而有毛藥性論云木香君治
女人血氣刺心心痛不可忍末酒服之治九種心痛
積年冷氣痞癥塊脹痛逐諸壅氣上衝煩悶治霍
亂吐瀉心腹疴刺隋書云樊子蓋為武威太守車駕
西巡將入吐谷渾子蓋以彼多瘴氣獻青木香以禦
霧露南州異物志云青木香出天竺是草根狀如甘
草蕭炳云青木香功用與此同又云崑崙舶上來形
如枯骨者良日華子云治心腹一切氣止瀉霍亂痢
疾安胎建脾消食療羸劣膀胱冷痛嘔逆反胃

嘉祐補註

草本

木香生永昌山谷今惟廣州舶上有來者他無所出
陶隱居云即青木香也根窠大類茄子葉似羊蹄而
長大花如菊實黃黑亦有葉如山芋而開紫花者不
拘時月採根芽為藥以其形如枯骨者良江淮間亦
有此種名土青木香不堪入藥用偽蜀王昶苑中亦
嘗種之云苗高三四尺葉長八九寸皺軟而有毛開
黃花恐亦是土木香種也續傳信方著張仲景青木
香丸主陽衰諸不足用崑崙青木香六路訶子皮各

二十兩，篩末，沙糖和之，駙馬都尉鄭某忘其名，去沙糖，加羚羊角十二兩，白蜜九如梧子，空腹酒下三十丸，日再，其效甚速。然用藥不類古方，而云仲景者，不知何從而得之邪。雜脩養書云：正月一日取五木煮湯以浴，令人至老，鬢髮黑。徐錯注云：道家謂青木香為五香，亦云五木。道家多以此浴，當是其義也。又古方主癰疽，五香湯中亦使青木香。青木香名為五香，信然矣。本草圖經

別說云：謹按木香今皆從外國來，即青木香也。陶說

為得本在草部，而圖經所載廣州一種，乃是木類。又載滁州海州者，乃馬兜苓根。此山鄉俗名爾，治療冷熱殊不相似。此三種自當入外類別名爾。宋唐慎微證類

草本

謹按木香葉略如牛蒡，而狹長，莖高丈許，花如金錢。圖經所載廣州木香乃此種也。自是草類，非木本也。

木香專泄決胸腹間滯塞冷氣，他則次之。得橘皮肉豆蔻生薑相佐，使絕佳效尤速。又一種嘗自岷州出。

塞得生青木香持歸西洛葉如牛蒡但狹長莖高三
四尺花黃一如金錢其根則青木香也生嚼之極辛
香尤行氣宋寇宗奭
本草衍義

木香草類也本名蜜香因其香氣如蜜也緣沈香中
有蜜香遂訛此為木香爾昔人謂之青木香後人因
呼馬兜鈴根為青木香乃呼此為南木香廣木香以
別之今人又呼一種薔薇為木香愈亂真矣三洞珠
囊云五香者即青木香也一株五根一莖五枝一枝
五葉葉間五節故名五香燒之能上徹九天也古方

治癰疽有五香連翹湯內用青木香古樂府云攬
攬五木香皆指此也明李東璧
本草綱目

木香南番諸國皆有一統志云葉類絲瓜冬月取根
曬乾同上

木香詳其治療與今白木香當是兩種按圖經謂生
永昌又云今惟廣州船上有來者一云出大秦國一
云產崑崙則所出地土各異是名同而實異可知已
藥性論云當以崑崙來者為勝此絕不可得又云西
胡來者劣今市肆所有正白木香也其味辛其氣溫

專主諸氣不順求其能辟毒疫溫鬼殺鬼精物恐或未然也肺虛有熱者慎毋犯之元氣虛脫及陰虛內熱諸病有熱心痛屬火者禁用傷寒類要所載治天行熱病若發赤豆斑用青木香水煮服者蓋指崑崙來者一種定非坊間所市廣州船上世所常用之白木香也
明繆仲醇本草經疏
南木香形類犀涯販者雜以此宜選真者其犀涯大苦不堪入藥又與番白芷形亦相類甚能毒殺人一生痰鎖喉甚速盛於鳩鳥尤當審辨也其番白芷成片

似樹皮之形皮上有一點起如包釘為異爾
明鄭康寧藥性要略

大 全

青木香今南木香也
明鄭道昭重證本草單方

木香一統志曰樹類絲瓜冬取根曬乾
舊港物產明張燮東西

洋 考

元日取五香煮湯浴令人至老鬢黑
珠囊隱訣○明盧翰月令通攷

五香一株五根一莖五枝一葉五葉葉間五節五五

相對故名五香即青木香也
同上

青木香一名五香枝莖節皆得五數
重修靖江縣志

謹按青木香枝莖節皆得五數故名五香此雖名青木香然其種有不同恐同名而其實異也

廣木香白色嚼之黏齒者真黑色吮之辣者番白芷

清皖桐方氏
物理小識

庶物類纂草屬卷之五目次

薜蘿

大葉芎藭

當歸

本草綱目卷五

蘼蕪

一名蘼蕪爾雅一名山鞠窮左傳一名芎藭神農本草

一名胡芎名醫別錄一名香果同上一名江蘼博物志

謹按江或作離一名闍莫迦金光明經

本草綱目卷五

草屬 蘼蕪

本草綱目卷五

蘼蕪

蘼蕪爾雅○蕪昌改切

香草葉小如菱狀淮南子云似蛇牀山海經曰臭如

蘼蕪晉郭璞爾雅註

芎藭苗也一名蘼蕪一名蘼蕪本草一名薇蕪一名

江離陶注云似蛇牀而香郭云香草葉小如菱狀者

言如菱蕪之狀也注淮南子云似蛇牀者案淮南子

汜論篇云夫物之相類者世主之所亂惑也嫌疑肖

像者衆人所眩耀也故狠者類知而非知也愚者類

博物類纂卷五

草屬 蘼蕪 二

君子而非君子也。鷙者類勇而非勇也。使人相去也。若玉之與石也。葵之與莧也。則論人易矣。夫亂人者。若芎藭之與藁本。蛇牀之與蘼蕪者。許慎云。此四者藥草臭味之相似。惟治病則不同。力是也。云山海經曰。臭如蘼蕪者。案西山經。山有草曰薰草。麻葉而方。莖赤華而黑實。臭如蘼蕪。可以止癘。又天帝山有草。其狀如葵。其臭如蘼蕪。曰杜衡。可以走馬。食之已癘。是也。臭香也。言其香氣如蘼蕪也。宋邢昺爾雅疏

即芎藭葉。蔞昌改反。宋鄭夾滌爾雅註

蘼蕪陶隱居云。今出歷陽。處處亦有人家。多種之。葉似蛇牀。而香。騷人借以為譬。方藥用甚稀。唐本注云。此有二種。一種似芹葉。一種如蛇牀。香氣相似。用亦不殊。爾臣禹錫等謹按。爾雅云。蘼蕪。蘼蕪注。香草。葉小如萎狀。疏引郭云。如萎蕤之狀。嘉祐補註本草

芎藭生武功山谷。斜谷西嶺。蘼蕪芎藭苗也。生雍州川澤及寃句。今關陝蜀川江東山中多有之。而以蜀川者為勝。其苗四五月間生。葉似芹。胡荽蛇牀輩作叢。而莖細。淮南子所謂夫亂人者。若芎藭之與藁本。

蛇牀之與薜蘿是也其葉倍香或時於園庭則芬馨
滿徑江東蜀川人採其葉作飲香云可以已泄瀉七
八月開白花根堅瘦黃黑色三月四月採暴乾一云
九月十月採為佳三月四月非時也關中出者俗呼
為京芎並通用惟貴形塊重實作雀腦狀者謂之雀
腦芎此最有力也薜蘿一名斬古斤字古方單用芎
藟含咀以主口齒疾近世或蜜和作指大丸欲寢服
之治風痰殊佳本草圖經
芎藭今出川中大塊其裏色白不油色嚼之微辛甘

者佳他種不入藥止可為末煎湯沐浴此藥今人所
用最多頭面風不可闕也然須以他藥佐之沈括云
予一族子舊服芎藭醫鄭叔熊見之云芎藭不可久
服多令人暴死後族子果無疾而卒又朝士張子通
之妻病腦風服芎藭甚久亦一旦暴亡皆目見者此
蓋單服耳若單服既久則走散真氣既使佗藥佐使
又不久服中病便已則烏能至此也宋寇宗奭本草衍義
川芎一名芎藭一名胡窮一名香果其苗葉名薜蘿
一名薇蕪一名江離生武功川谷斜谷西嶺雍州川

澤及宛句其關陝蜀川江東山中亦多有以蜀川者
為勝今處處有之人家園圃多種苗葉似芹而葉微
細窄卻有花又似白芷葉亦細又如園荳葉微壯
又有一種葉似蛇床子葉而亦麤壯開白花其芎人
家種者形塊大重實多脂潤其裏色白味辛甘性溫
無毒山中出者瘦細味苦辛其節大莖細狀如馬銜
謂之馬銜芎狀如雀腦者謂之雀腦芎皆最有力白
芷為之使畏黃連其蘼蕪味辛香性溫無毒救饑採
葉燂熟換水浸去辛味淘淨油鹽調食亦可煮飲甚

香明徐光啓
農政全書

謹按苳離救荒本草同他書多作江不從草

蘼蕪一作蘼蕪其莖葉靡弱而繁蕪故以名之當歸
名蘼白芷名離其葉似當歸其香似白芷故有蘼
江離之名王逸云離草生江中故曰江離是也餘見
下明李東璧
本草綱目
別錄言蘼蕪一名江離芎藭苗也而司馬相如子虛
賦稱芎藭菖蒲江離蘼蕪上林賦云被以江離揉以
蘼蕪似非一物何耶蓋嫩苗未結根時則為蘼蕪既

結根後乃為芎藭大葉似芹者為江離細葉似蛇牀者為蘼蕪如此分別自明白矣淮南子云亂入者若芎藭之與藁本蛇牀之與蘼蕪亦指細葉者言也廣志云蘼蕪香草可藏衣中管子云五沃之土生蘼蕪郭璞贊云蘼蕪香草亂之蛇牀不隕其貴自烈以芳又海中苔髮亦名江離與此同名耳

芎藭苗曰江離根曰芎藭晉張華博物志

蛇牀亂蘼蕪同上

薇蕪香草魏武帝以藏衣中蕙草綠葉紫花魏武帝

以為香燒之晉郭義恭廣志

芎藭之苗葉為蘼蕪似蛇牀而香魏文帝以蕙草為香燒之以蘼蕪藏衣中故少司命曰秋蘭兮蘼蕪羅生兮堂下綠葉兮素枝芳菲菲兮襲予古詩上山采

蘼蕪宋謝翱楚辭芳草譜

芎藭蜀中處處有之葉為蘼蕪楚辭謂江離者根為芎似雀腦者善成都九月九日藥市芎與大黃如積香溢於塵或言其大若胡桃者不可用人多時於園檻葉落時可用作羹蜀少寒莖葉不萎今醫家最貴

川芎川大黃柔葉美根冬不殞零采而掇之可糝於

羹宋宋祁益部方物畧記

予一族子舊服芎藭醫鄭叔熊見之云芎藭不可久服多令人暴死後族子果無疾而卒又予姻家朝士張子通之妻因病腦風服芎藭甚久亦一旦暴亡皆予目見者又予嘗苦腰重久坐則旅距十餘步然後能行有一將佐見予曰得無用苦參潔齒否予時以病齒用苦參數年矣曰此病由也苦參入齒其氣傷腎能使人腰重後有太常少卿舒昭亮用苦參揩齒

歲久亦病腰自後悉不用苦參腰疾皆愈此皆方書

舊不載者宋沈存中夢溪筆談

爾雅曰蘄薹蘼蕪一名江離今似蛇牀而香葉如小菱狀蓋楚謂之薹晉謂之薹齊謂之薹汜論曰夫亂人者若芎藭之與藁本蛇牀之與蘼蕪是也使人相去也若玉之與石也葵之與莧也則論人易矣故曰大聖之與大佞難知也是故周公忠勤而被流言王莽折節以致虛譽字說曰薹可以養鼻又可以養體臣者養也宋陸佃埤雅

江離之草屈原幼時所先採蓋自其初度則固已扈
江離辟芷矣然顏監以諸家義說之亦不能了郭璞
曰江離似水薺張勃云江離出臨海縣海水中正青
似亂髮郭義恭曰江離赤葉莫知孰是吳都賦云江
離之屬海苔之類亦生臨海水中正青似亂髮以類
求之張勃之言似矣然物有名同而實異者楚辭之
於江離畦而種之又云江離棄於窮巷則非水物其
他解者多以本草蘼蕪一名江離為說然子虛賦稱
芎藭昌蒲江離蘼蕪上林賦又云被以江離糝以蘼

蕪又不應是一物予按博物志云芎藭苗曰江離根
曰蘼蕪本草亦云蘼蕪芎藭苗也芎藭有兩種一種
似芹菜一種如蛇牀香氣相似用亦不殊古今說者
皆云蛇牀亂蘼蕪陶隱居亦云蘼蕪葉似蛇牀又蜀
本云蛇牀似小葉芎藭然則蘼蕪江離既皆芎藭之
苗此小葉如蛇牀者既名蘼蕪則大葉似芹者當名
江離爾蘼蕪一名江離而子虛上林說異故推而別
之
宋羅願
爾雅翼
江離史記索隱引吳錄曰臨海海水中生正青似亂

髮廣志為赤葉紅花今芎藭苗曰江離綠葉白花又不同藥對以為蘼蕪一名江離

江離似水薺今無識之者然非蘼蕪也藥對誤耳楚辭補注集注皆缺讀詩記董氏曰古今注謂芎藭藥可離唐本草可離江離然則芎藭藥江離也○宋王伯厚困學紀聞

江離之草屈原幼時所先採蓋自其初度則固已扈江離辟芷矣張勃云江離出臨海縣海水中正青似亂髮楚辭之于江離畦而種之則非水物本草蘼蕪一名江離又云被以江離糝以蘼蕪又不應是一物

也宋謝翱楚辭芳草譜

芎藭蘼蕪也生山谷間八閩通志

芎藭出茅山者謂之茅藭重修鎮江府志

山鞠藭本草作芎藭又以芎作營其葉為蘼蕪一作薇蕪爾雅作蘼蕪楚辭作江離一物而異名也芎藭以胡地為良名曰胡藭以川中為良又曰川芎出天台者為台芎出江南者為撫芎今所在皆有蘼蕪而芎藭入藥用川用北肇慶府志

川芎出蜀中為川芎土人植之葉可煎茶重修靖江縣志

薺蕪一名江薺卽芎藭苗乃香草也葉如蛇牀而香
七八月開白花其根堅瘦黃黑結塊如雀腦者名芎
藭以川中產者入藥爲良江浙亦有之
清陳湜子
秘傳花鏡

大葉芎藭

一名馬銜芎藭
嘉祐補
註本草

大葉芎藭

芎藭陶隱居云今惟出歷陽節大莖細狀如馬銜謂之馬銜芎藭蜀中亦有而細人患齒根血出者含之多差苗名靡蕪亦入藥別在下說俗方多用道家時須爾胡居士云武功去長安一百里正長安西與扶風狄道相近斜谷是長安西嶺下去長安一百八十里山連接七百里唐本注云今出秦州其人間種者形塊大重實多脂潤山中採者瘦細味苦辛以九月十月採為佳今云二月四月虛惡非時也陶不見秦

地芎藭故云惟出歷陽歷陽出者今不復用臣禹錫等謹按蜀本圖經云苗似芹胡荽蛇牀輩叢生花白今出秦州者為善九月採根乃佳吳氏云芎藭神農黃帝岐伯雷公辛無毒扁鵲酸無毒季氏生溫熟寒或生胡無桃山陰或太山葉香細青黑文赤如藁本冬夏叢生五月華赤七月實黑莖端兩葉三月採根有節似馬銜狀嘉祐補註本草芎藭芎本作菅名義未詳或云人頭穹窿窮高天之象也此藥上行專治頭腦諸疾故有芎窮之名以胡

戎者為佳故曰胡藭古人因其根節狀如馬銜謂之馬銜芎藭後世因其狀如雀腦謂之雀腦芎其出關中者呼為京芎亦曰西芎出蜀中者為川芎出天台者為台芎出江南者為撫芎皆因地而名也左傳楚人謂蕭人曰有麥麴乎有山鞠窮乎河魚腹疾奈何二物皆禦溼故以論之丹溪朱氏治六鬱越鞠丸中用越桃鞠窮故以命名金光明經謂之闍莫迦明李東壁芎藭蜀地少寒人多栽時深秋莖葉亦不萎也清明

本草綱目

後宿根生苗分其枝橫埋之則節節生根八月根下始結莖乃可掘取烝暴貨之救荒本草云葉似芹而微細窄有丫叉又似白芷葉亦細又似胡荽葉而微壯一種似蛇牀葉而亦粗嫩可煤食同上芎藭曰清明後宿根生苗分其枝橫埋之則節節生根八月根下始結芎藭種時者根形塊大實而多脂山生者細瘦辛苦五月采苗十月采根非時則虛惡不堪入藥矣清劉若金本草述

當歸

一名薜爾雅一名山蘄同上一名白蘄同上一名乾歸神農本草一名文無中華古今註

當歸

薜山蘄

爾雅○薜音百蘄芹

廣雅曰山蘄當歸當歸今似蘄而粗大

晉郭璞爾雅註

說文云蘄草也生山中者一名薜一名山蘄色白者

名白蘄下文薜白蘄是也生平地即名蘄按廣雅張

揖撰以廣爾雅之闕漏也曰山蘄當歸者言即今藥

草當歸案本草當歸不言名薜及山蘄是即以時驗

而言也故郭云今似蘄而粗大言似平地蘄而差粗

大耳

宋邢昺爾雅疏

薜音百，斬音斤，當歸也。葉似斬而大。水鄭夾滌爾雅註

薜白斬爾雅

卽上山斬晉郭璞爾雅註

謹按鄭夾滌註同

當歸陶隱居云：今隴西四陽黑水當歸，多肉少枝，氣香名馬尾當歸，稍難得。西川北部當歸，多根枝而細，歷陽所出色白而氣味薄，不相似，呼為草當歸，闕少時乃用之。方家有云：真當歸，正謂此，有好惡故也。俗用甚多，道方時須爾。唐本注云：當歸苗有二種，於內

一種似大葉芎藭，一種似細葉芎藭，惟莖葉卑下於芎藭也。今出當州、宕州、翼州、松州、宕州最勝。細葉者名蠶頭當歸，大葉者名馬尾當歸。今用多是馬尾當歸。蠶頭者不如此，不復用。陶稱歷陽者是蠶頭當歸也。臣禹錫等謹按爾雅云：薜山斬。注廣雅曰：山斬當歸也。當歸今似斬而麤大。嘉祐補註本草
當歸生隴西川谷，今川蜀陝西諸郡及江寧府滁州皆有之。以蜀中者為勝。春生苗，綠葉有三瓣，七八月開花，似蒔蘿，淺紫色，根黑黃色。二月八月採根，陰乾。

然苗有二種都類芎藭而葉有大小為異莖梗比芎
藭甚卑下根亦二種大葉名馬尾當歸細葉名蠶頭
當歸大抵以肉厚而不枯者為勝謹按爾雅云薜布
切山斬古芹字巨斤切郭璞注引廣雅云山斬當歸也
似斬而麤大釋曰說文云斬草也生山中者名薜一
名山斬然則當歸芹類也在平地者名芹生山中而
麤大者名當歸也本草圖經
當歸廣雅云山斬古芹切當歸也似芹而麤大說文云
斬草也生山中者名薜音百新書圖經以謂當歸芹類

也在平地者名芹生山中麤大者名當歸若然則今
川蜀皆以平地作畦種尤肥好多脂肪肉不以平地山
中為等差但肥潤不枯燥者佳今醫家用此一種為
勝市人又以薄酒洒使肥潤不可不察也藥性論云
補女子諸不足此說盡當歸之用也宋寇宗奭
本草衍義
當歸今陝蜀秦州汶州諸處人多栽蒔為貨以秦歸
頭圓尾多色紫氣香肥潤者名馬尾歸最勝他處頭
大尾粗色白堅枯者為鏡頭歸止宜入發散藥爾韓
悉言川產者力剛而善攻秦產者力柔而善補是矣

明李東壁
本草綱目

牛亨問曰將離相贈與芍藥一名可離故曰相贈與芍藥相招召則以文無文無一名當歸也欲忘人之憂則贈丹棘丹棘一名忘思使人忘憂也欲蠲人之忿則贈以青裳青裳一名歡合則忘忿也晉崔豹中華古今註

薜白蘄即當歸也葉似芍藥有兩種大葉者謂之馬尾當歸細葉者謂之蠶頭當歸此方家之別也宋鄭夾漆

昆蟲草木畧

當歸仲春生苗布葉似牡丹葉嫩綠三瓣七八月開

花似蒔蘿花嬌紅可目根黑黃色清劉若金本草述

庶物類集



